



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 91/26524

< 26 > 12 2022թ.

**Արթուր Լյովայի Սերգոյանին
Հասցե՝ ք.Երևան, Մամիկոնյանց փ. 1Ա2, 1Աբն.**

Ուղարկվում է վարչական մարմնի նախաձեռնությամբ ՀՀ ոստիկանության պարեկային ծառայության վարչական բողոքների քննության բաժանմունքում հրականացված վարչական վարույթի արդյունքում թիվ **8200373218** որոշումն անվավեր ճանաչելու մասին որոշման օրինակը:

Առդիր՝ << 2 >> թերթ:

Պետ, ոստիկանության գնդապետ՝

Ա. Ումրշատյան

Կատ. Գ. Կիրակոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 06.12.2022 թ.-ին կայացված թիվ **8200373218** որոշումն անվավեր ճանաչելու և մասին

26.12.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 06.12.2022թ. կայացված թիվ **8200373218** որոշումը,

Պ Ա Ր Զ Ե Ց Ի

2022 թվականի դեկտեմբերի 14-ին ՀՀ ոստիկանության պարեկային ծառայության վարչական բողոքների քննության բաժանմունք է ստացվել Երևան քաղաքի գնդի 4-րդ գումարտակի հրամանատար, ոստիկանության մայոր Արմեն Գասպարյանի զեկուցագիրն այն մասին, որ նույն գումարտակի 1-ին վաշտի պարեկ, ոստիկանության լեյտենանտ Արամ Գևորգյանը 06.12.2022թ.-ին փորձել է կազմել է վարչական իրավախախտման վերաբերյալ արձանագրություն այն բանի համար, որ քաղաքացի Արթուր Լյովայի Սերգոյանը Երևան քաղաքի Թբիլիսյան խճուղում <<Օպել>> մակնիշի 37 SN 775 հաշվառման համարանիշի տրանսպորտային միջոց վարել է՝ չունենալով գործող ԱՊՊԱ պայմանագիր, սակայն տեղի է ունեցել կապի խափանում, չի կարողացել տպել որոշում և պարեկ Արամ Գևորգյանին թվացել է, թե չի կայացվել համապատասխան որոշումը, ինչի պատճառով նույն իրավախախտումը արձանագրել է թղթային տարբերակով և կայացրել թիվ 8180160489 որոշումը, մինչդեռ դյուրակիր համակարգչում պահպանվել է արձանագրված նույն իրավախախտումը և թիվ **8200373218** որոշումը, ինչի վերաբերյալ տեղեկանալուց հետո ներկայացրել է զեկուցագիր:

Զեկուցագրում նշված հանգամանքները հաստատվել են 06.12.2022թ.-ի վարչական իրավախախտման վերաբերյալ արձանագրությունների և զուգակցված թիվ **8200373218** և 8180160489 որոշումների պատճենների ուսումնասիրությամբ:

<<Վարչական իրավախախտումների վերաբերյալ>> ՀՀ օրենսգրքի 247-րդ հոդվածի 8-րդ մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե առկա է վարչական պատասխանատվության ենթարկվող անձի նկատմամբ վարչական տույժ նշանակելու մասին իրավասու մարմնի (պաշտոնատար անձի) որոշումը նույն փաստի վերաբերյալ:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

«Վարչական իրավախախտումների վերաբերյալ» ՀՀ օրենքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

«Վարչական իրավախախտումների վերաբերյալ» ՀՀ օրենքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 06.12.2022թ. կայացված թիվ **8200373218** որոշումը ճանաչել անվավեր:
2. Որոշման օրինակը երեք աշխատանքային օրվա ընթացքում հանձնել Արթուր Լյովայի Սերգոյանին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվա հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝

Ա. ՈՍԻՐՇԱՏՅԱՆ

